

n: 4. 16

Die Schlacht vñ dem

Ikunig von Poln. vñ mit dem Mosco-
witer. gescheen am tag Marie ge-
purt. M. L L L L. Xiiij.



¶ Wiewol schwerlich zu glauben ist/das der Großmechtigst Fürst
vnuud herr/herr Sigismundus von gots gnaden König zu Poln. ꝛc.
In dem achten tag negst vergangen/des monats Septembis/ Lyn
so groß erschrecklich vnd vnglaublich volck der wüterischen Mosco-
witer/ verfolger der chüstenheyt/ mit der hilff gottes/ der iunckfraw
Marie/ vnd des heyligen bischoffs sant Stanislai/ sichelich vnd er-
lich nidergelegt vnuud erschlagen/ es wer dann/ das nicht so manche
menschen eygentlich erfaren vnd gesehen het/ der selbigen vnzellichen
cörper/ vñ so groß plut fließen/ bey dem namhafftigen wasser Tieper
genant/ do solche schlacht gescheen ist/ am tag Marie gepurt/ welche
schlacht diser maß ergangen ist.

¶ Nach dem/ so vnangesehen/ gelübte/ vnuud gethane frides eyde/
zwischen hochgemeltem Großmechtigem König in Polen ꝛc. eins/
Vnd dem mechtigsten obersten herren hertzog auß Moscouia/ an-
ders teyls/ Der do vngeacht gelübte/ eyde/ vnd frides/ Dörffer/ Feldt/
Stet vnd Schlöffer/ hochgemeltem König in Polen ꝛc. verheert/ zer-
stört/ vnd eingenomen hat/ Auch im vñ allen den seynen/ sehe/ seynde-
schafft/ vnd wüteryhung zugeschrieben vnd geübt/ Sölchem wüte-
rich/ vnd gewalt der G. herr vnd Fürst ꝛc. (so sein K. M. die zeyt be-
laden mit handlung der Datern vnd Preussen) ein zeyt lang nicht hat
widersteen mögen/ Auch weyttung vñ ferrunge des outhes do solcher
einsal vnd zerstörung gescheen/ dan bey drey hundert meyl von Cro-
caw biß in das Königtliche Schloß Smolentz/ vnuud andie die ge-
nanter wüterich/ nicht mit gewalt oder Sturm/ sonder mit grosser
vorheysung silber/ goldes/ vnd freyhung/ Betrieglich erlangt vñ ein-
genommen hat.

¶ Nach solchem hat der groß Fürst der Moscowiter dem König vñ
Polen ein schloß eingenomen heyst Smolentz/ Darnach hat der Kö-
nig vñ Polen/ ein volck/ zu rettung oder wider zu eroberē das schloß/
seind die Moscowiter also vñ stund an herauß gerückt/ wol mit hun-
dert tausent mannen zu Ross/ vermeynt in ein schrecken ganz Lith-
ner landt zu eroberē/ Also ist des Königs von Polen volck begegnet
dem grossen volck/ an einem wasser heyst der Tieper/ sein gewest bey
acht tausent mannen/ dienst volck/ Polen/ Behem/ vnd Tentsch/ ist



es zu eim schlahen gangen/ hat Küniglicher maiestat zu Poln volck
auß Litten vñ Reussen stil gehalten/ der dennoch auch bey zweynzig
tausent sein/ Also mügt ir warhafftig glauben/ das vnter den hundert
tausent Moscowiter/ nicht zweynzig tausent in ir landt kumen sindt
vñnd auff der walfstat ob dreyszig tausent beliben/ die andern in den
wassern ertruncken/ vñnd einglich in den welden erschlagen/ vñnd es
zwey tausent lebendig gefangen/ vñnd die werden aber all in Litten vñ
Polen also enthalten/ So hat K.M. dreh hundert in eyssen geschmide
die enthelt man in einem Schloß heyst Trocken/ leytt vier meyll von
der wild/ So hat K.M. zehen die mechtigisten herren so der Mosco-
witer hat in seinem landt/ bey jm zu der wild/ in sein eygen schloß ge-
fenglich/ So seind vil treflicher herren in der schlacht todt beliben/
Das ich gedencck er sol ein weyl genung haben/ Vñnd Hertzog Michel
ist gefangen vñ den Moscowiter/ den er meynt er hab jm das volck
verfuert.

¶ Also ligen meines genedigisten herren volck bey achtzehen tausent
mannen/ eins teyls vor Smolentz/ eins teyls dem Moscowiter in das
landt gezogen/ got geb in glück/ vermeynen darin zu winteren/ So
sendt yetzund K.M. Moscowiter gen Rom/ vñ gen Vngern mit einer
Moscowiterischen Trommetten/ das sie es selber sollen sagen/ dan man
glaubtt den Polen sunst nicht/ das sie mit so wenig volcks/ so vil dar-
nider gelegt haben/ Auch so leßt K.M. yetzund zu Cracaw wol funff-
zig püchssen gieffen/ vñnd zu der wild dreyszig/ seind seer groß schlan-
gen/ wigt eine vierundfunffzig Centner/ vñ seind sibben elen lang/ So
ist K.M. willens auff den Summer erst recht daran/ got vñ himel der
geb jm glücke.

